

Na osnovu člana 8. i člana 26. stav 1. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08, 22/09 i 109/12), člana 8. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 12/03 i 34/03) Odluke Nadzornog odbora Javnog preduzeća "Grijanje" d.o.o. Zenica, broj: 17037/20 od 29.12.2020. godine, raspisuje se

**JAVNI KONKURS**  
**za izbor i imenovanje jednog člana Odbora za reviziju**  
**Javnog preduzeća "GRIJANJE" d.o.o. Zenica**

**I.**

Objavljuje se Javni konkurs za izbor i imenovanje jednog člana Odbora za reviziju Javnog preduzeća "GRIJANJE" d.o.o. Zenica (u daljnjem dijelu teksta: Preduzeće).

**II.**

Nadzorni odbor Preduzeća će izvršiti izbor kandidata za člana Odbora za reviziju, većinom glasova na osnovu provedenog javnog konkursa i podnijeti prijedlog za imenovanje Skupštini Preduzeća.

Mandat člana Odbora za reviziju traje do isteka mandata aktuelnom predsjedniku i članu Odbora za reviziju, odnosno do 24.09.2023.godine.

Dužnosti Odbora za reviziju utvrđene su članom 28. Zakona o javnim preduzećima u Federaciji BiH i Statutom Preduzeća.

Naknada i druga prava člana Odbora za reviziju utvrđuje se ugovorom na osnovu Odluke Skupštine Preduzeća.

**III.**

Prijava na konkurs vrši se podnošenjem pisane prijave na konkurs koja mora biti potpisana od strane kandidata.

Prijava kandidata treba da sadrži biografiju, adresu i kontakt telefon.

Uz prijavu na konkurs, kandidati su dužni dostaviti dokumente o ispunjavanju općih i posebnih uslova, u originalu ili ovjerene fotokopije koje nisu starije od 6 mjeseci računajući od dana objave konkursa u Službenim novinama Federacije BiH

**IV.**

Kandidati koji se prijave na konkurs, treba da ispunjavaju opće i posebne uslove:

**OPĆI USLOVI:**

1. da je državljanin BiH i da ima prebivalište u BiH (**dokaz: uvjerenje o državljanstvu, original ili ovjerena kopija i CIPS-ova prijava prebivališta**),

2. da je stariji od 18 godina, a mlađi od 65 godina na dan imenovanja (**dokaz: ovjerena kopija lične karte**),

3. da nije otpušten iz državne službe kao rezultat disciplinske mjere na bilo kojem nivou u BiH u periodu od 3 (tri) godine prije objavljivanja upražnjene pozicije (**dokaz: potpisana izjava ovjerena od nadležnog organa**),

4. da se na njega ne odnosi član IX. 1. Ustava BiH (**dokaz: potpisana izjava ovjerena od nadležnog organa**),

5. da se protiv kandidata ne vodi krivični postupak, odnosno da nije osuđivan za krivično djelo i privredni prijestup-prekršaj nespojiv sa dužnošću člana Odbora za reviziju 5 (pet) godina od dana pravosnažnosti presude isključujući vrijeme zatvorske kazne (**dokaz: uvjerenje o nevođenju krivičnog postupka i uvjerenje o nekažnjavanju dostavlja samo izabrani kandidat**).

6. da nije lice kojem je presudom suda zabranjeno obavljanje dužnosti u nadležnosti Odbora za reviziju (**potpisana izjava ovjerena od nadležnog organa**),

7. da nije izabrani zvaničnik, nosilac izvršnih funkcija ili savjetnik izabranim nosiocima izvršnih funkcija u smislu Zakona o sukobu interesa u institucijama vlasti FBiH (**dokaz: potpisana izjava ovjerena od nadležnog organa**),

8. da nije na funkciji u političkoj stranci (**dokaz: potpisana izjava ovjerena od nadležnog organa**),

9. da nije član Nadzornog odbora ili Uprave, zaposlen u Preduzeću niti da ima direktni ili indirektni finansijski interes u Preduzeću (**dokaz: potpisana izjava ovjerena od nadležnog organa**),

10. da sa članovima Nadzornog odbora i Uprave Preduzeća nije u krvnom srodstvu u pravoj liniji, niti u pobočnoj liniji ili srodstvu po tazbini zaključno sa trećim stepenom (**dokaz: potpisana izjava ovjerena od nadležnog organa**).

#### **POSEBNI USLOVI:**

1. da ima završenu visoku stručnu spremu ekonomskog ili pravnog smjera vrednovanu sa najmanje 240 ECTS bodova (**dokaz: ovjerena fotokopija diplome**),

2. da ima najmanje 5 (pet) godina radnog iskustva u struci i spremi (**dokaz: potvrda/uvjerenje o radnom iskustvu**),

3. da posjeduje stručna i profesionalna znanja vezana za sadržaj i način rada Odbora za reviziju i način rada organa upravljanja privrednih društava (**preporuka ranijeg poslodavca**).

#### **V.**

Prilikom procjene kvalifikacije i iskustava svih kandidata uzet će se u obzir i sljedeće:

- stručne i iskustvene sposobnosti za razumijevanje poslovnih izvještaja i vršenje finansijskog nadzora, te poznavanje zakona i propisa na području djelovanja Odbora za reviziju,
- prilagodljivost timskom radu i sposobnost za savjesno i odgovorno vršenje dužnosti,
- sposobnost odlučnog i nepristrasnog donošenja odluka,
- rezultati ostvareni tokom prethodnog radnog angažmana i preporuka poslodavca.

#### **VI.**

Kandidati sa kojima se ne stupa u kontakt u roku od 10 (deset) dana od dana isteka roka za podnošenje prijava neće biti uzeti u razmatranje u daljem procesu imenovanja.

Javni konkurs za podnošenje prijava ostaje otvoren **15 (petnaest) dana od dana objave u Službenim novinama Federacije BiH**.

Prijavu i sve tražene dokumente treba dostaviti lično ili preporučeno poštom, na adresu i sa naznakom:

**Javno preduzeće "GRIJANJE" d.o.o. Zenica,  
ul. Bilmišće broj 107, 72000 Zenica,  
"Prijava na Javni konkurs za izbor i imenovanje člana Odbora za reviziju  
NE OTVARATI".**

Neblagovremene i nepotpune prijave neće se uzeti u razmatranje.